

Član 5.

Gradonačelnik Grada Sarajeva će sa organizatorom manifestacije zaključiti poseban ugovor kojim će se regulisati međusobna prava i obaveze.

Član 6.

Za realizaciju ove Odluke zadužuje se gradonačelnik Grada Sarajeva.

Član 7.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-889/09
2. juna 2009. godine
Sarajevo

Predsjedavajući
Gradskog vijeća
Marin Ivanišević, s. r

Gradonačelnik

Na osnovu člana 34. stav 1., a u vezi sa članom 38. Zakona o budžetima u Federaciji Bosne i Hercegovine ("Službene novine Federacije BiH", broj 19/06), člana 23. Odluke o izvršavanju Budžeta Grada Sarajeva za 2009. godinu ("Službene novine Kantona Sarajevo", broj 11/09), a u skladu sa Budžetom Grada Sarajeva za 2009. godinu ("Službene novine Kantona Sarajevo", broj 11/09) i Protokola o realizaciji granta sa SOS - Kinderdorf International broj 01-14-2828/09, gradonačelnik Grada Sarajeva donosi

ODLUKU**O ODOBRAVANJU SREDSTAVA TEKUĆE REZERVE
BUDŽETA GRADA SARAJEVA ZA 2009. GODINU ZA
REALIZACIJU GRANTA SOS - KINDERDORF
INTERNATIONAL**

Član 1.

Odobravaju se novčana sredstva u iznosu od 10.000,00 KM, kao grant SOS - Kinderdorfu za sufinansiranje troškova za djecu bez roditeljskog staranja.

Slovima: desethiljada KM

Član 2.

Sredstva iz člana 1. ove Odluke odobravaju se na teret pozicije:

Tekuća rezerva, Budžeta Grada Sarajeva za 2009. godinu.

Član 3.

Gradska služba finansija će sredstva iz člana 1. ove Odluke uplatiti na račun SOS - Kinderdorf broj 161000000000011 502021000-0300 626, otvorenog kod Raiffeisen Bank Sarajevo, svrha doznake: realizacija granta za SOS - Kinderdorf International.

Član 4.

Za realizaciju ove Odluke zadužuje se Gradska služba finansija.

Član 5.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-14-2828-1/09
22. maja 2009. godine
Sarajevo

Gradonačelnik
Prof. dr. Alija Behmen, s. r.

OPĆINA CENTAR**Općinski načelnik**

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 12. juna 2009. godine, verifikovao je i donio

ODLUKU**O KOREKCIJI REGULACIONOG PLANA "BREKA"**

Član 1.

Utvrđuje se korekcija Regulacionog plana "Breka" ("Službene novine Grada Sarajeva", broj 7/78), u daljnjem tekstu: korekcija Plana.

Član 2.

Korekcijom Plana, odustaje se od izgradnje objekta planiranog na zemljištu označenom po novom premjeru kao k.č. br. 599/2 i 611/2 K.O. Sarajevo V, obzirom da je ista sa prostornog aspekta onemogućena postavkom objekata koji egzistiraju na susjednim parcelama (objekat lociran na parceli k.č. broj 598/3 i objekat lociran na parceli k.č. br. 611/15 i 611/2).

Imajući u vidu navedeno, izjašnjenje Zavoda za izgradnju KS kao vlasnika zemljišta označenog po novom premjeru kao k.č. br. 599/2 K.O. Sarajevo V, što odgovara k.č. broj 173/724 K.O. Koševo (stari premjer) i dostavljenog kroz dopis broj: 02-023-5732/08 od 29.08.2008. godine, te izjašnjenje vlasnika objekata lociranih na naprijed navedenim parcelama od 18.03.2009. godine, 1/2 ove parcele pripaja se objektu koji

egzistira na parceli označenoj kao k.č. broj 598/3, a 1/2 iste objektu izgrađenom na parceli označenoj kao k.č. broj 611/15 i 611/2. Sve naprijed opisane parcele nalaze se u K.O. Sarajevo V.

Član 3.

Korekcija Plana sastoji se iz tekstualnog dijela i tri grafička priloga sa prikazom parcela koje su predmet korekcije.

Tekstualni dio i grafički prilozi korekcije Plana, sastavni su dio Regulacionog plana "Breka" ("Službene novine Grada Sarajeva", broj 7/78).

Član 4.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 10-49-1597/09
12. juna 2009. godine
Sarajevo

Općinski načelnik
Dževad Bećirević, s. r.

Napomena: Objavljeno na oglasnoj ploči Općine Centar 12. 6. 2009. godine.